

明詩別裁集

掃葉山房
石印

明詩別裁集

清聖宗
五十年

明詩別裁集卷十

長洲 沈德潛確士 同輯
周 準欽萊

謝肇淛

肇淛字在杭長樂人萬曆壬辰進士官至廣西布政使

秋日邀龍君御同鍾伯敬林茂之賦詩君御時赴湟中

營道植高操。大音謝俗機。誰云京洛塵。而能縑素衣。前蹤既云逸。後會安可希。斗酒自斟酌。蟹螯秋正肥。南陸有殘暑。西山無留暉。不知松際月。已挂花間扉。雜坐忘蟄折。緒談聞芬菲。君今赴河湟。戎馬生郊畿。白面誰見賞。青雲頗多違。舊歡意未決。新離淚仍揮。余亦倦遊者。因之歌式微。

送徐興公還家

楓落空江生凍煙。西風羸馬不勝鞭。冰消浙水知家近。春到閩山在客先。斜日鴈邊看故國。孤帆雪裏過殘年。憐予久負寒鷗約。魂夢從君碧海天。

春怨

長信多春草。愁中次第生。君王行不到。漸與玉階平。

秋怨

明月憐團扇。西風怯綺羅。低垂雲母帳。不忍見銀河。

袁宏道

宏道字無學公安人萬曆壬辰進士官吏部郎中公安兄弟意嬌王

袁而不和公安一派先之也

感事

湘山晴色遠微盡。日江邊取醉歸。不見兩闌傳露布。尚聞三殿未垂衣。邊防自古

無中下。朝論於今有是非。日暮平沙秋草亂。一隻白鳥避人飛。

曹學佺

字能始侯官人萬曆己未進士歷官參議廣西天啟中以閹禍除名為民崇禎初起復廣西疏辭不赴家居二十餘年殉節死

夜泊彭山江口

錦城平日暖。旅泊始知寒。捭蜀中分地。岷峨相向看。岡連三女家。水疾二郎灘。蘆葦

風吹急。蕭蕭漢將壇。

岑彭遇害此地有彭亡之稱

泰昌皇帝輓歌

龍馭升遐日。封章滿御牀。施行猶令旨。德意自先皇。沛若江湖決。俄然石火光。更聞

哀詔到。能不淚沾裳。

龍馭升遐謂神宗更聞哀詔謂先宗

勸進箋三上。騰歡偏九垓。逐臣皆召用。中使盡收回。貨賤昭先儉。心勞集相才。大工

須計日久矣。柏梁災。

罷稅不停徵。邊庭歲用增。金錢溢輸輓。士馬飽飛騰。北闕聞天語。東隅望日升。那堪

遜辭世。倉卒治山陵。

九轉神丹秘。三旬帝業終。春秋書法謹。中外揣摩窮。雨泣將填巷。攀髯或隨弓。由來

戮方士。豈但為無功。

過木壩

指點十三橋。迎船半柳條。夕陽潮正滿。春草岸俱遙。琢研開山市。為園灌藥苗。賣錫

時節近。處處有吹簫。

琢研種花風土自昔寫來光景如畫

送陳民部出守思州

言辭粉署重淒淒。道路時聞征馬嘶。日照夢懸鄉樹外。夜郎吟向郡樓西。竹雞羣裏

登峨嶺。銅鼓聲中出朗溪。我欲白門攀柳送。相思此夜有烏啼。

八月朔日。王元直招集南樓。送陳汝翔之東粵。王玉生之清漳。沈從先還姑

蘇。徐興公之建溪。陳維尋之聊城。蔣之才之廣陵。予返白下。

西風蕭瑟。動離顏。一樹衰楊。不剩攀。秋老幾人。猶白社。月明無主。自青山。征途南北。高樓外。客淚縱橫。杯酒間。此別紛紛。難聚首。天涯那許夢魂閒。

蔡毅中

毅中字宏甫光山人萬曆辛丑進士官至禮部右侍郎

秋興

木落江空天氣清。西風蕭颯雁南征。浮雲暗逐年華變。歧路虛憐短髮生。千里關河懸客夢。萬家砧杵動秋聲。崇蘭芳芷依然在。何處江潭吊屈平。

公

蘇字孝與蒙陰人萬曆辛丑進士官至禮部右侍郎謚文介

詠古

古人獲我心。善達窮通理。安危慮所居。屈伸貴自己。已貴可復賤。中立常不倚。衰至易生驕。腊毒恆在美。薛公僅遺榮。疏傳庶知止。寥廓睇冥鴻。矰繳安可擬。

穆陵關

昔日齊侯履。南疆盡此封。諸山沂作鎮。五岳岱為宗。霸國猶餘業。重關識舊蹤。故園相去近。回首海雲重。

諸將

上谷漁陽拱帝京。相連河外受降城。一從塞馬來南牧。遂使王師罷北征。絕徼尚傳青海箭。中原新動綠林兵。主憂正值宵衣日。誰向天邊答太平。

李流芳

流芳字長蘅嘉定人萬曆丙午舉人嘉定四君中以種園為上雖漸染習氣而風骨自高不能掩其真性靈也

過臯亭龍居灣宿永慶禪院同一濂澄心恆可諸上人步月

歸裝出西湖。問道向黃鶴。屢愆桐塢期。偶遂龍居諾。輕舟凌晨風。遙山滿晴郭。丹林尚可數。寒條紛無託。披松指微徑。聽水捫晴壑。新構爭遠勢。平臺攬搖落。霜餘山容淺。天清海氣薄。暫歇塵勞心。始知寂滅樂。每多方外遊。見僧即如故。燈明一龕下。夜長愜深晤。不知山月上。千林已流素。出門尋舊溪。愛踏松影路。氣和空宇澄。寒魄如春露。幽泉洗我心。微鐘杳然度。

讀第二章如見東坡永天寺夜遊光景

白門七夕

時將入燕

舊日維舟處。懸情獨柳條。秋風又京國。客思正江湖。長路有時到。歡期難再邀。徘徊望牛女。愁絕向中宵。

黃河夜泊

明月黃河夜。寒沙似戰場。奔流聒地響。平野到天荒。吳會書難達。燕臺路正長。男兒久為客。不辨是他鄉。

唐時升

時升字叔達嘉定人

南翔里有八老人為社長者年九十四少者年八十一居止不一二里耄耋相望杯酒談笑日相娛樂誠太平盛事詩以紀之

白鶴村頭春日曉。香霧濛濛百花好。蒼顏素髮八老人。花前置酒相傾倒。笑說鄰翁學語時。追談邑子知名早。不知主客更勸酬。爭引曾玄互提抱。今年孟春甲子晴。占云麻麥俱豐成。坐中祭酒九十四。敬酹社公旨且清。其間迭起拜更祝。但願脚健雙眸明。桂林從事八十一。只聞喚弟無呼兄。南村翳翳桑榆日。出共持杯歸散帙。但課兒孫種黍苗。何知方士餐芝術。香山居士有遺篇。九十不衰真地仙。公等康健逢聖世。能無旦暮歌皇天。願炊香飯秣釀酒。日奉杖履長周旋。武皇遺事多訛謬。欲問鑒輿南幸年。

薛侍御出按貴州便道歸雲南省觀

繡衣持節出長安。南入牂牁路萬盤。重簷溼雲常欲雨。點蒼晴雪不知寒。登車自掃豺狼跡。問寢應彈獬豸冠。遙憶樹頭新酒熟。雲南人釀刺桐花下正承歡。

程嘉燧

嘉燧字孟陽歙縣人寓居嘉定。孟陽詩亦娟秀少塵自錢牧齋嘗譽李何王李諸人推孟陽為一代宗主。幾與高孝地李賓之前後相埒矣。

而陽羨邵子湘有心矯枉摘其累句云。爭倚畫橋倚高孝。地李賓之前後相埒矣。知終去婚和嫁。且戀聞來弟。勸兄近逐歌喉。須闔席間笑。富待歌船問便事。逆國留面戲。劇難痕曲印。肩年去貧來。不自由。暗傷顏面。向交遊等句。謂其穢褻。但俗幾於身無完膚矣。予錄其氣清格整。去風雅未遠者。四章見孟陽自有真詩。勿因牧齋之過許而毛舉其疵以掩之也。

值唐叔達同錢將軍北上言別

方舟然燭夜相過。道上匆匆奈別何。我已三年懷錦里。君偏五月渡黃河。南遊誰共烟花早。北上兼聞金鼓多。此別各懷無限意。莫將春淚點江波。

送李中翰還朝

漢家宮闕枕燕闕。使者乘槎八月還。吳地潦平猶似海。廣陵濤壯正如山。同舟夜醉神仙侶。染翰春隨供奉班。聞道滄溟今未息。幾回溝壑動愁顏。

閨門訪舊作

悵望吳閨百里餘。故園兄弟日應疎。多年華鬢絲相似。三月春愁水不如。歌扇舊分桃葉渡。釣船還傍藕花居。掃眉才子何由見。一訊橋邊女校書。

登樓

少小聽歌怕唱愁。一聲楚尾與吳頭。如今身在傷心地。但見春光莫上樓。

楊

連連字文瑞唐山人萬曆丁未進士熹宗朝官至副都御史劾魏閣二十四大罪被逮死鎮撫司獄贈太子少保左都御史諡忠烈

題柏子園青雲閣

官閣凌空汶水深。金甌初動客登臨。浮雲易改三山色。落葉先驚萬里心。江上美人遺雜佩。城南少婦拭清砧。繁臺苑苑今禾黍。日暮憑欄思不禁。

王象春

象春字季木濟南新城人萬曆庚戌進士官至吏部郎中

書項王廟壁

三章既沛秦川雨。八關又縱阿房炬。漢王真龍項王虎。玉玦三提王不語。鼎上杯羹棄翁媼。項王真龍漢王鼠。垓下美人泣楚歌。定陶美人泣楚舞。真龍亦鼠虎亦鼠。可憐謝 畢羽篇

賀萬祚

萬祚字孝延嘉興人萬曆庚戌進士官至江西右布政使

周侍御行部

蘭臺使者舊知名。攬轡從容江海情。抗疏共看任伯雨。行軍還擬趙營平。五花驄馬巡周道。三輔黃圖歷漢京。不獨艱危憂水旱。前籌更欲請長纓。

高道素

道素字玄期嘉興人萬曆己未進士官工部郎中以督造桂府殿傾論死

秋日寄沈無回

涼風起庭際。簾幙迴秋陰。一葉空階落。孤燈獨坐深。芙蓉思遠道。蟋蟀動愁吟。誰念閒居客。能傷蓬暮心。

陳鳴鶴

鳴鶴字汝翔閩人諸生

伍相祠

黃池宴罷羽書催。骨葬鴟夷櫓可材。西子已辭吳苑去。東門忍見越兵來。春風故國

靡蕪長落日荒祠杜宇哀千載忠魂何處問滿城兒女弄潮回

周永年 永年字安期
吳江縣學生

弔淮陰侯

一市人皆笑三軍衆盡驚始知真國士元不論羣情楚漢關輕重英雄出戰爭何能
避道醢垂釣足平生

王人鑑 鑑字德
吳縣人

冬夜閒居

忽忽寒光早閒居水上村病疎當世事貧負故人思黃葉深樵徑荒煙淡華門憑誰
論出處短褐信乾坤

吳稼澄 稼澄字翁晉孝豐人
以例除南光祿典簿

金陵酒肆贈茅平仲

暮年看爾壯心孤落落酣歌擊唾壺但數一錢憐花女纔誇千騎笑羅敷梨花雨溼
紅襟燕楊柳春藏白項烏欲向盧家借雙槳莫愁不是舊時湖

宋登春 登春字應
元新河人

秋日野望

聽鳥中林性看雲故國心地卑湘漢闊天遠洞庭深老馬空知道窮猿豈擇林十年書劍客寂寞到如今

孫友麓

友麓字伯諧歙縣人

過古墓

野水空山拜墓堂松風濕翠灑衣裳行人欲問前朝事翁仲無言對夕陽

俞安期

安期字義長吳江人

憶家

故國千山外經秋遠別離浮生能幾日為客此多時衰眼高堂淚寒砧少婦悲天涯念遊子風雨共淒其

望海

紛紛靈異變昏朝陰火隨波遠自飄龍藏函經連水府蜃樓開市借雲霄星臨東極無分野山入南荒有沃焦日日潮來長應候似應西答百川朝

登祝融峰

中天積氣入清涼雲霧翻看地混茫雨挾蒼龍奔下嶺星懸朱鳥定南方何年石匱藏金簡自古山祇禮赤璋壇上長流青玉乳神池高捧帝臺漿

何 白

白字无咎
永嘉人

淮上歸興

淮。泗。秋。風。動。地。來。月。明。如。水。雁。聲。哀。南。經。伍。員。吹。薳。市。北。眺。曹。公。較。弩。臺。歸。路。漸。香。菰。米。飯。佳。期。已。負。菊。花。杯。愁。聞。烽。火。連。東。北。極。目。浮。雲。黯。未。開。

鄭

球 球字翰卿閬中人。翰卿工七言律如霜色欲將閬樹折河聲如帶戍樓奔磧上陰雲連塞黑關中落日帶沙黃劍戟已消馬後大鵬猶泣

戰時瘡皆忼慨有燕趙聲

哭李大將軍

十。萬。旌。旗。染。血。丹。招。魂。夜。夜。哭。桑。乾。殘。兵。來。拾。中。郎。印。野。鳥。飛。登。大。將。壇。金。獸。鎖。門。嚴。鼓。角。石。麟。窺。塚。葬。衣。冠。至。今。俺。答。騎。胡。馬。猶。是。將。軍。舊。戰。鞍。

盛鳴世

鳴世字太古鳳陽人國子監生

題岳陽酒家壁

巴。陵。壓。酒。洞。庭。春。楚。女。當。壚。勸。客。頻。莫。上。高。樓。望。湖。水。煙。波。二。月。已。愁。人。

沈

木 木字子喬嘉興縣學生

夜起

暑。夜。不。成。寐。起。步。中。庭。中。殘。月。忽。墮。水。明。河。猶。在。空。籬。根。滴。清。露。樹。杪。生。微。風。坐。愛。

新涼好。先秋氣候。蟲

殘月忽墮水二語是夜起難聲茅店月二語是曉行

王屋

屋字孝時嘉善人

子夜歌

千金買良玉。百金求良工。為儂作雙環。相連無始終。妾身妾自惜。君心君自知。莫將後日情。不如初見時。

吳夢暘

夢暘字允兆歸安人

送胡孟弢邑博之沅江

攜手情無極。茫茫此別何。一官猶俎豆。滿地已干戈。畏路身難定。騷人怨自多。可堪寥落思。木葉洞庭波。

范

汭汭字東生烏程人

琴川夜泊懷孫齊之

野宿次鳬鷺。青青荻筍齊。潮痕隨月落。山勢壓城低。殘夢風前杳。歸心曙後難。還知高隱處。只隔水東西。

春日訊吳允兆

遠樹微波黯不分。闌闌城畔寄孤雲。春來儘有還鄉夢。除却青山便是君。

吳兆北字非熊休寧人

同曹學佺過宿碧峰寺愚公房

入寺昏煙斂。雙橋竹澗通。僧歸殘磬裏。客夢亂山中。燈暗窗沾雨。枝喧鳥墮風。他鄉寥落夜。語笑喜能同。戊子春宿寒山空谷菴中始知客夢亂山中句之妙

徐煥煥字興公閩縣人

送俞本之遊楚

寒臯木落水連天。雲際孤城望漢川。隔岸數聲湘女瑟。中流千里鄂君船。鴈鵠夜叫黃陵月。猿狖秋啼赤壁煙。挾得離騷經一卷。行吟長對楚江邊。

送康元龍之靈武

賀蘭山下戰塵收。君去征途正值秋。落日故關秦上郡。斷煙殘壘漢靈州。胡兒射獵經河北。壯士吹笳怨隴頭。城窟莫教頻飲馬。水聲鳴咽動鄉愁。黃河官路黑山程。羌笛橫吹漢月明。漠北烽煙三里霧。隴西鼙鼓十年兵。燕鴻度塞寒無影。胡馬行沙暗有聲。後夜思君勞遠夢。朔風吹過白登城。

文震孟

震孟字文起長洲人天啟壬戌賜進士第一授翰林修撰忤逆聞錫級歸崇禎初復原官歷仕至禮部侍郎東閣大學士卒諡文肅

擬古遠行

江之陽兮有嶼。江之陰兮有渚。朝而風兮夕而雨。望夫君兮渺何許。春波兮悠悠。日暮兮夸猶。擊青桂兮為檝。搴木蘭兮為舟。恍含思兮凝睇。乘清風兮遠遊。遠遊兮上下。載行兮載舍。遵中流兮待君。將寄心於遠者。

徐石麟

石麟字寶摩嘉興人天啟壬戌進士除工部主事崇禎初起補南禮部歷吏部尚書乙酉城陷自經可經堂

望匡廬

突兀此何處。匡君廬亘天。黛浮五老壁。青八九江船。慧遠林中寺。康王谷口泉。符生今已老。誰與買山錢。

倪元璐

元璐字玉汝上虞人天啟壬戌進士改庶吉士官至禮部尚書翰林學士京師陷自縊初謚文正定謚文貞

皇極門頌曆作

鳳闕開彤旭。倪爐散紫煙。六階齊度緯。七政轉璣璣。甲曆龍躔改。寅賓象魏懸。明時功在革。資始義承乾。黑帝威初試。青皇位早傳。周官新月令。甘氏舊星篇。人繼羲和後。書成堯英前。庚先三日戒。貞下一元旋。圖錄符垂赤。干支德應玄。興王惟有歲。太史又編年。賜出黃星曜。披看綠字鮮。因知天曆數。如日起虞淵。

蔣燦

燦字韜仲崇禎戊辰會魁官至天津兵備

題少陵杜像

誰貌杜陵老。憂懷筆底傳。凋殘悲瘦馬。慷慨拜啼鵲。作客依江閣。浮家寄楚船。高才同。獲落。千古有青蓮。大雅長往矣。遺容後代看。萬間思廣廈。一諫失微官。抗志隆中對。饑驅蜀道難。蕭騷兩鬢白。應為憶長安。

徐

沂沂字九一長洲人崇禎戊辰進士官至少詹事家居殉節死

三月十九日

珍饌精鏐賜講筵。每逢令節主恩偏。十章書未陳金鑑。九折魂猶戀細旃。社稷風雲誰奏曲。園林霜露已經年。龍髯回睇橋山遠。玉匣珠襦不忍傳。

萬壽祺

壽祺字年少徐州人崇禎庚午舉人

入沛宮

泗亭春盡樹婆娑。漢帝宸遊不再過。魂魄有時還至沛。樓臺落日半臨河。風吹大澤龍蛇近。天入平沙雁鷺多。我亦遠隨黃綺去。東山重唱采芝歌。

贈胡彥遠

河渚經營把釣綸。乾坤草莽一閑身。南陽高臥真名士。東漢餘生舊黨人。十載荃蘅同入夢。三冬冰雪獨傷神。荷鉏歸去田廬閑。莫向人間學問津。